



Qırım evlâdı

Мектебилизиниъ биринджи газетасы

IV нешир декабрь 2018 с.

ШЕВКЪИЙ БЕКТОРЕНИНЪ ДОГЪЪАН КУНЮНДЕН 130 ЙЫЛЛЫГЪЫ МУНАСЕБЕТИНЕН

Шевкъий Бекторе 1888 сенеси Румынияда, Каблалар коюнде оджа къорантасында догъды. Беш яшында экенде, къорантасы Тюркиеге, Анкъара дживарындаки Къара къая коюне кочты. Илк тасилини койде ве рущдие тасилини Хаймана къасабасында алды. Сонъра окъувыны девам эттирмек ичюн Истанбулгъа кете.

«Эки кунълик омюрим къалгъан олса биле, оны халкъыма хызмет этип кечирмеге истейим»

1912 сенеси окъуяткъан иляхийет факультетинден озъбашына Балкъан дженкине кетти. Къырымгъа илк дефа 1909 сенеси кельди. Къырымтатар фольклоры ве этнографиясы иле огърашты. 1914 сенеси, Биринджи джан дженки башлагъанда, Шевкъий Бекторе Къырымда оджалыкъ эте эди. Дженк башлагъанынен, Ирандан кечип, Тюркиенинъ Ван шеэриндеки тюрк ордусына къошулды. 1918 сенеси эвленип, къадыны Амиде ханым иле Къырымгъа къайта, Атушта больгесининъ Къуру Озен коюнде мектеп ача ве анда дерс бере. 1921—1922 ачлыкъ сенелери Тотайкойдеки оджа-

лар техникумында чалыша. Сонъра Дагъыстангъа кетип, Темирханшура шеэрининъ педагогика техникумында оджалыкъ япа. 1924 сенеси Бакуда топлангъан тюркшынаслар къурултайында Дагъыстан векиши сыфатында иштирак эте.

1926 сенесинден Ашхабад педагогика техникумынынъ окъув ишлери мудирри вазифесинде булуна. Шу араларда къыскъа бир муддет Къарачай-Черкесининъ Баталпаша шеэринде чалышты. Шевкъий Бекторе илк шиирлерини генчлик чагъында язып башлады. 1917 сенеси "Тюрк юрду" меджмуасында онынъ "Силем" адлы шири басылды. Къырымгъа келген сонъ, 1918—1919 сенелери Къуру Озенде "Шаршур" адына эльзма меджмуасыны азырлап, кой халкъына дагъытты. 1920 сенеси Акъмесджитте "Эргенекон" адлы шиирлер джыйынтыгъыны нешир эттирди. 1923 сенеси Тотайкойде онынъ "Татарджа сарф ве нахф", 1925 сенеси Акъмесджитте "Татар элифбеси" ве 1927 сенеси Ашхабатта

"Туркмен тилининъ сарфы" кибитаплары нешир олунды. Вефатындан сонъ, 1965 сенеси Тюркиедде "Волга къызыл акъаркен" адынен Шевкъий Бекторенинъ хатырлавлар китабы басылды. Бу эсери ана тилимизде "Йылдыз" меджмуасы саифелеринде (1992, № 3, 4, 5-6, 1993, № 1, 2) дердж олунды. Шевкъий Бекторе 1961 сенеси Тюркиедде вефат этти.



ТАТАРЛЫГЪЫМ

*Татарлыгъым, тугъан ерим,
Балалыкътан суемен.
Онлар ичюн коп вакъытлар
Джылай-джана куемен.
Къайда барсам, мен коремен,
Гъарип татар сачылгъан.
Озь багъында къокъламагъа
Ёкъ бир гулю ачылгъан.
Къальтеджексинь, озь
багъындан,
Озь тилинден нек гъарип.
Лякин кимге айтаджакъсынъ
Сен буларны тиль джарып.
Къатты джелъмен атылгъанлар
Тавгъа, ташкъа я джаргъа.
Джарты дюнья мезар болгъан
Татарлыккъа, татаргъа.
Эр мезарнынъ баи уджунда
Токътап тѣктим козь яшым.
Эр бирине чынъларымдан
Ясап тиктим баи тамын.
Къол котерип дуа эттим
Юрегимден худайгъа.
Узун, къутлы омюр берсин
Бары оксюз анайгъа!*
(1913 с.)

Мектебимизде район китапханеджилернинъ семинары отъкерильди

Декабрь айынынъ ба-
шында мектебимиз район
китапханеджилернинъ
семинарыны кечирди.
О «Современные на-
правления библиотеч-



но-информационной дея-
тельности школы» мевзу-
сына багъышланды. Се-
минар черчивесинде муим
суаллер музакере этильди.
Рус тили оджасы
Криль А. В., ве мудир
муавини Алиева П. С. ма-
рузалар иле чыкъышта
булундылар. Башлангыч

сыныф оджалары Идрисова
Ф. И. ве Асанова Э. Н.



ачыкъ дерслерни кечир-
дилер. 4-б сыныф талебелери
аналаргъа багъышлангъан
«Джандан азизим, севим-
ли анам» тедбирини косъ-
тердилер. Мектебимиз-
нинъ китапханеджиси Са-
лиева Ф.С-И. мусафирлер
ичюн ИКТ вастасынен
эдебий викторинаны кечир-
ди. Башлангыч сыныф
талебелери мусафирлерге
озь къолларынен япылгъан
эдиелерни багъышладылар.
Музыка оджасы Курдаева
А.А., кырымтатар тили оджасы
Садлаева З. С. ве мектебиз-
нинъ тешкилятчысы
Шамратова Эльвира оджа

мусафирлер ичюн кон-
церт азырландылар. Семинар юксек
севиеде отъкерильди. Бу-
тюн иштиракчилерге, ба-
лаларгъа, оджаларгъа буюк
миннетдарлыкъ билдиремиз.



Талелелер арасында сантрач турнири кечирильди

21 декабрьде мектеп
талелелери арасында
сантрач турнири отъке-
рильди. Балалар озь зе-
кийлигини косътердилер.
Беден тербиеси од-
жалары Ибрагимова Ф.
Ф. ве Павло Ю.М. тур-
нирге кыймет кестилер.
Олар кызлар ве огъланлар
арасында энъ чокъ гъалебе
къазангъан талелелерни
къайд эттилер.



Огъланлар арасында I
ерни 5-а сыныф талелеси
Эбубекиров Сеитбекир,
II ерни исе 4-б сыныф
талелеси Эбубекиров
Къуртсеит къазандылар.
Кызлар арасында I ерни
2-а сыныф талелелери
Мустафаева Эмилия ве
Чеби Амина больдилер.
Хайырлаймыз талелелер-
римизни! Бойле девам
этмек!



Къырымтатар тилинде олимпиада кечирильди

Бу зенгин тиль – халкъымызнынъ
Къальп-севинчи, фигъаны,
Тюркий тиллер гульзарынынъ
Энъ чечекли фиданы.

Э.Шемби-заде

Декабрь айында мектеби-
мизде къырымтатар тили
ве эдебиятындан район
олимпиадасы кечириль-
ди. Олимпиада 7-11 сы-
ныф талелелери арасын-
да кечирильди. Иштирак-
чилер 2 саат девамында
вазифелер узеринде ча-
лыштылар ве озь бильги-
лерни юксек севиеде
косътердилер.

Бизим мектебимиз де чокъ
ишлерде гъалип чыккыты.
Хусусан 8, 9, 10 ве 11 сы-
ныфлар арасында бизим
талелелеримиз чокъ гъале-
бе къазандылар. Аферин
талелелеримизге!



Бузгъа ялынъыз чыкъманъыз!



Дикъкъатлы олуныыз!



Этрафкъа дикъкъат этинъиз!

Къыш татиле азырланамыз!



Бузлавукъларнынъ тюбюнде-
юръменъиз!



Севимли талелелер!

«Къырым эвляды» газетасы
сизге яхшы раатланма-
лар тилей! Къыш татилеринъизни
гузель, файдалы кечиринъиз!
Янъы 2019 окъув йылыны гъалебелер-
нен, мувафакъиетлернен башланъыз!

Озюныызге дикъкъат этинъиз!



«Къырым эвляды» газетасы

Къырымтатар тилинде айда бир кере нешир этиле.
Бизим адресимиз: Судакъ ш., Бирюзова, 7 сокъагъы

Сайтымыз: <http://sudak-school3.ru>
qirimevlyadi@mail.ru